



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Fvlconi Abbati monasterij sancti Petri Corbeien. quod in pago Ambianen.
situm est, eiúsque fratribus tam praesentibus quàm futuris regularem
vitam professis in perpetuum.

urn:nbn:de:hbz:466:1-20006

G. PRÆPOSITO ALBENSIS.


Epist. 482.
Datur illi potestas conferendi custodiam Albensem.

Innotuit apostolatu nostro per petitionem nobis ex tua parte porrectam, quod cum in Alben. Ecclesia quædam dignitas, quæ Custodia dicitur, ad tuam donationem pertinens habeatur, cujus curæ ac sollicitudini ornamenta ac privilegia ipsius Ecclesiæ & diadema etiam regium committuntur, eam personæ idoneæ conferre desideras; ne fortè per imperitiam, aut infidelitatem, vel negligentiam Custodis ipsius Ecclesiæ incurrat aliquod detrimentum, aut honor patriæ de corona aliquam læsionem sustineat. Volentes igitur indemnitati Ecclesiæ præcavere, & tibi tuam justitiam conservare, ut custodiam ipsam, sicut tui juris existit, idoneæ personæ nullius appellationis obstaculo conferas & assignes, liberam tibi damus auctoritate apostolica facultatem. Datum Laterani XII. Kal. Januarij.

PICTAVIEN. EPISCOPO.

Epist. 483.
Vt monasteria per suam diocesim visitet atque reformet.

SI super commisso tibi grege sic vigilare procuras ut esse de illis pastoribus qui nato Domino super grege suo noctis vigiliis custodiebant meritò comproberis, in tui executione officij semper cum discretione procedes, & de subditis tuis, tanquam de eis redditurus Domino rationem, plantare virtutes & extirpare vitia procurabis. Ad audientiam siquidem nostram noveris pervenisse quod in Pictaven. diocesi pro diutina pastoris absentia in religiosorum collegiis & aliis personis ecclesiasticis multa quæ statum perturbant religionis & ordinis sunt præsumpta, ad quorum correctionem te oporteat propensioris sollicitudinis studium exercere. Volentes igitur ut excessus liberius valeas corrigere delinquentium, cum nostra fueris auctoritate suffultus, tibi pagina præsentis mandamus quatenus ad abbatias & alia loca religiosa & Ecclesias tuæ diocesis, quæ tibi sunt dioecesana lege subjectæ, personaliter accedens, quæ tam in capite quàm in membris in eis corrigenda inveneris, secundum Deum corrigas & reformationi eorum taliter procures insistere quod de bona possis provisione laudari, & Ecclesiarum status per te studiosius reformetur. Datum ut supra.



FVLCONI ABBATI
monasterij sancti Petri Corbeien. quod in pago Ambianen. situm est, ejusque fratribus tam presentibus quam futuris regularem vitam professis in perpetuum.

Apostolica sedis auctoritate debitorum compellimur pro universarum statu Ecclesiarum satagere & earum maximè quæ specialius eidem sedi adherent, ac tanquam proprio jure subjectæ sunt, utilitatibus providere. Eapropter, dilecti in Domino filij, vestris justis postulationibus clementer annuimus, & ad exemplar prædecessorum nostrorum felicis memoriæ Nicolai, Benedicti, Leonis, Urbani, Paschalis, Innocentij, Eugenij, Adriani, Alexandri, Clementis, Celestini Ro. Pont. præfatum Corbeien. monasterium in pago Ambianen. situm, quod ad jus & proprietatem beati Petri specialiter pertinet, in quo estis divino obsequio mancipati, sub beati Petri & nostra protectione suscipimus, & præsentis scripti pagina privilegia communimus. In primis siquidem statuantes &c. usque ad verbum vocabulis. Omnes parochias Corbeie, & parochiam paritorum, parochiam de Naurs, parochiam de Bus, parochiam du Thanen, & parochiam de Vscia. Ad hæc adjicientes interdicens ut possessiones ipsius Ecclesiæ & beneficia absque Abbatis & fratrum consensu nullus hominum in vita sive in morte aliis Ecclesiis dare vel alio quolibet modo alienare præsumat ab ipsa. Nec liceat Remen. Archiepiscopo nec Ambianen. nec alicui Episcopo in Abbate & fratribus vel Clericis sive famulis aut in laicis infra præfatas parochias constitutis dominationem aliquam exercere, aut eos excommunicare, vel interdicare, aut appellationes ab eis vel invicem vel contra eos ab extraneis factas aliquo modo recipere, vel pro emendatione criminum actiones quarere præmiorum, neque potestatem aliquam in possessionibus ad ipsum monasterium vel cellas ejus pertinentibus vel in posterum justè & rationabiliter acquirendis sibi audeant vendicare. Prohibemus quoque ne Remen. Archiepiscopi, vel Ambianen. Episcopi, aut alij, vel eorum Oeconomi, vel Archidiaconi, seu eorum nuntij, absque vestra vel vestrorum fratrum gratuita vocatione ad monasterium vestrum vel loca prædicta accedant, aut molesta-

Epist. 484.
Eos in protectione recipi, & elegantiam vestram atque monasterii præcepta relinquit.

Privilegium Leonis III. editum est in anno 771. Spicilegij pag. 417.

molestationem aliquam seu perturbationem inferant, aut consuetudines pravas seu novas imponant. Chrisma verò &c. Obeunte verò te nunc ejusdem loci Abbate vel tuorum quolibet successorum, nullus ibi qualibet subreptionis astutia seu violentia præponatur, nisi quem tantum fratres communi consensu vel fratrum pars consilij sanioris secundum Deum & beati Benedicti regulam de eodem collegio vel alterius cœnobij, si ibi aliquis ad hoc regimen dignus repertus non fuerit, providerint eligendum: qui, juxta antiquam Ecclesiæ vestræ consuetudinem, à quocunque malueritis Episcopo consecratur. Apostolica insuper auctoritate statuimus, & sub interminatione anathematis prohibemus, ne Abbates vestri, qui pro tempore fuerint, altaria, decimas, præbendas monachales, aliquo titulo alienare præsumant, nec alias possessiones monasterij seu thesauros vendere, obligare, aut infeudare, sine communi consensu Capituli vel majoris aut sanioris partis aliquatenus audeant. Ad hæc autem adjicimus, ne aliqui monachi seu conversi sub professione domus vestræ astricti, sine consensu Abbatis & majoris ac sanioris partis Capituli vestri pro aliquo fidejubeant, vel ab aliquo pecuniam mutuam accipiant ultra precium Capituli vestri rationabili providentia diffinitum. quod si facere præsumperint, non teneatur Conventus pro his aliquatenus respondere. Indictum autem, sicut hæctenus Corbeien. monasterium celebrare consuevit, vobis confirmamus; & ne quis eos qui ad ipsum convenerint, in eorum bonis vel in personis offendere vel molestare præsumat, auctoritate apost. prohibemus. Illis verò qui locum ipsum in hac die devotionis intuitu visitaverint, & beneficia ei contulerint, de injuncta eis pœnitentia quadraginta dies auctoritate apostolica relaxamus. Hospitali autem vestro, quod Portaria dicitur, decimas à catholicis ipsius loci Abbatibus & aliis Dei fidelibus rationabiliter concessas, auctoritate ap. confirmamus. Decernimus ergo &c. Salva sedis ap. auctoritate. Ad indicium autem quòd monasterium vestrum ad jus & proprietatem beati Petri pertineat, & perceptæ à Rom. Ecclesia libertatis, unciam auri nobis & successoribus nostris annis singulis persolveretis. Si qua igitur &c. Datum Later. per manum Raynald

Domini Papæ Notarij, Cancellarij vicem agentis, XV. Kal. Januarij, Indictione secunda, incarnationis dominicæ anno MCXCVIII. Pont. verò Domini Innocentij Papæ III. anno primo.

R. ILLVSTRI REGI
Anglorum.

Cum inter alios mundi Principes personam tuam sicut carissimi filij ditposuerimus prærogativa dilectionis & gratiæ honorare, & tam tuis quam tuorum utilitatibus paterna provisione diligenter intèdere, miramur plurimum & dolemus quòd hoc propositum nostrum, ex quo nimirum quantum magnitudini tuæ valeat honoris & utilitatis afferri, serenitatem regiam non credimus ignorare, pravis quorundam suggestionibus niteris impedire. Cum enim negotium Cantuariensis Ecclesiæ dudum, solum Deum habentes præ oculis, studuerimus secundum divinum beneplacitum terminare, (in quo, si personas vellemus accipere, vel munera forsitan acceptare, partem Cantuariensis Archiepiscopi proculdubio prætulissimus partibus monachorum) credebamus quòd factum nostrum celsitudo deberet regia gratiarum prosequi actione, quæ nos hæctenus de justitia facienda sæpius exoravit, nec sustineret aliqua ratione quòd quisquam deberet in hac parte apostolicis jussionibus obviare; quin potius, si aliter fecissemus, præter offensam divinam & conscientie læsionem, plurimum verebatur ne diceremur oppressores pauperum, & justitiæ contemptores. Verum secus contigit quam vellemus, vel etiam credere deberemus. Nuper enim accedentes ad præsentiam nostram dilecti filij nostri Prior & socij sui monachi Cantuarien. lachrymabili nobis & desolanda conquectione monstrarunt quòd cum regia * sublimitas mandavisset de thesauro Ecclesiæ Cantuarien. redigendo in scriptis, & sigillo tam * regio quam Archiepiscopi necnon & monachorum signando, neque hoc, unde ipsos in Domino commendamus, facere voluissent, sicut erat prius in ipsorum perniciem cogitatum, sprete sedis apostolicæ reverentia, suis sunt rebus & possessionibus spoliati. unde ad sedem apostolicam eos laborare oportuit invitos pariter & dolentes. In quorum adventu renovatus est dolor noster: quia sustinimus cum Pro-

Epist. 485.
Ne Cantuariens.
ses monachos
contra jus con-
trariæ rem ju-
dicatam & Ro-
mani Pontificis
auctoritatem
opprimat.
Vide supra epist.
432. & seq.

* Apud Gervas.
Cantuar. potes-
tas & subli.
* Apud Gervas.
Regis